

直隸州志



乾隆甲辰陽月刊成

直

隸

篆

水

篆



本衙藏板

直隸邠州志序目

志凡二十五卷分部二十五初

知州王君屬

撰此志兼

有三屬縣已成四卷既而三屬縣各請自爲一書故此書卷一

至卷四并及三縣卷五已下專志州治直隸州志之例古無所

仿若專志州治者實當稱爲直隸邠州志今不可一書異名

也星衍來游關中旋閱五載所居節署雅多賢俊巡撫畢公假

以暇日從容著書嘗自成神農本草經注爾雅箋孫子兵法新

校正文字注各如干卷其體泉志三水志及此書各以數月撰

成迫于讎校經傳不獲專心攷核徒取唐宋地里書之例蒐討

成編重以平津愛客公燕無虛醉餘燈次偶一綴筆恐多疏失

以貽來者之議其于稽古似有所長竊又通曉地里雍冀梁三

州名山大川指掌能言不爽毫髮見有所及庶非牆面辨幽亭

直隸邠州志序目

云說文邠周太王國在右扶風美陽幽美陽亭卽幽也民俗以

夜市有幽山考幽亭及國當在漢漆縣是今邠州三水之界故

地理志曰枸邑有幽鄉詩幽國公劉所都杜預曰幽在新平漆

縣東北史記集解引徐廣曰新平漆縣之東北有幽亭劉昭注

郡國志漆引帝王世紀曰有幽亭括地志曰幽州新平縣卽漢

漆縣詩幽國公劉所邑之地則書傳所稱寔不得在美陽也美

陽今武功縣又在邠之西南相去甚遠蓋許君因太王遷邑于

此而誤地理志則曰美陽中水鄉太王所邑是已許于邠字當

云公劉國在右扶風漆河至周太王邑于美陽幽漆亭則得之

矣攷汎水云爾雅西至于邠國謂之四極說文引作汎云西極

之水也从水八聲案周書度邑解曰王乃升汎之阜以望商邑

汎卽汎字假音八聲緩讀爲邠亦爲汎也今三水分水嶺卽汎

水嶺汾又譌爲分初學記引水經注曰酈州有汾水嶺卽此也其嶺實子午山之別麓然則今汾水卽古西極之水無疑矣金史地理志又有潛水疑亦聲相近汾汾潘皆一水也攷女郎山云太平寰宇記三水縣有女郎山案西山經曰白於之山洛水出于其陽而東流注于渭太平御覽引水經曰白於山今名女郎山元和郡縣志曰洛原縣白於山一名女郎山在縣北三十里太平寰宇記曰洛嵎縣白於山在縣北三十里是其山從慶陽府東南直入三水卽山海經之白於山無疑也洛水今亦逕三水又可証矣攷漆水云太平寰宇記引水經曰漆水自宜祿界來又東過扶風漆縣北以水經驗之卽邠州所理是也漢志注云漆水在縣西今縣西九里有白土川水或恐白土是漢之漆也今鳳翔府東北一百六十里麟遊縣東南亦有一漆水非漢之漆案樂史此言實本元和郡縣志可爲以是爲非以非爲是矣所引水經注今本無文若如所云則謾自酈道元也夏書言涇屬渭汭漆沮旣從是以漆沮爲從入渭則是今麟遊之漆至臨潼入渭一名石川河者是也麟遊唐普潤縣漢漆縣地故班固曰漆漆水在縣西史記正義引括地志曰漆水源出岐州普潤縣東南歧漆山漆谿東入渭此真漆沮旣從與詩自土沮漆之水自漢相傳以爲入渭未聞以入涇之水當之也攷幽國云周語祭公謀父曰我先君不窋用失其官而自竄于戎狄之間韋昭曰堯封棄於郃至不窋失官去夏而遷於郃郃西接戎北近狄也是國于郃者不窋史記周本紀曰慶節立國於幽何奴列傳曰夏道衰而公劉失其稷官變于西戎邑于幽是以爲慶節又爲公劉一書互異地理志曰桐邑有幽鄉公劉所都是

同史記列傳以理斷之祭公言最古不窳國于幽說爲長也
師曠冢云郡國志漆劉昭引皇覽曰有師曠冢名師曠山太平
御覽引皇覽曰師曠冢在右扶風名曰師曠山民人不敢上其
山今志無此冢及山惟州東十里有司空山古音空曠相近當
卽是也此皆有補經傳故特著之好古君子庶幾知我也乾隆
甲辰冬十月二十一日陽湖孫星衍自序

卷第一 州縣一

卷第二 州縣故治今治二

卷第三 山屬三

卷第四 水屬四 水利附

卷第五 鄉屬五

卷第六 國六

直隸州志序

卷第七 署屬七

卷第八 儒學八

卷第九 廟屬九

卷第十 墓十

卷第十一 古跡十一

卷第十二 恩澤十二五行十三

卷第十三 大事十四

卷第十四 官屬十五上

卷第十五 官屬十五下

卷第十六 地丁錢糧十六

卷第十七 經費十七

卷第十八 兵十八驛十九

卷第十九 名人二十上

卷第二十 名人二十下

卷第二十一 節婦二十一


卷第二十二 科第表二十二

卷第二十三 風俗土產二十三

卷第二十四 石刻著述題詠二十四

卷第二十五 序錄二十五

圖附



吳嘉善州志序目

四


直隸州志圖

疆域圖


邠州志圖

涇州界

寧州界



靈武縣界



白店原



水北鋪

三水縣

真定縣界

大略鎮

履跡坪

張空鎮

永壽縣界

涇陽縣界

淳化縣

羅山界

州城圖

鄠州志圖

教場

廣濟院

廣濟院

廣濟院



廣濟院

廣濟院

兵巡道



三原縣



州署圖

邠州志圖

東公廨

周太王廟

姜嫄祠

風雲雷雨山川

州判署

台儀司

南對

台監

禮部

台道司

臨巷

台總補

台

台

台

台

台

台

台

台

台

台

台

台

台

台

台

台

台府

台

台

台

台

台

台

台

台





台

台

台

台

台



儀




廟學圖

邠州志圖

西公廡

四



立齋

講堂

明倫堂

名宦祠

儀門

先師廟

儒學

儒學

啟聖祠

訓導署

吏署

鐘樓

工刑正

母

費政廳

大鼓門

知州署

堂

門


鼓

門

兵備道署圖




吏廨




射圃



后老



儀門



大門



五
射圃志圖



直隸邠州志序一

壽齋 翫齋 鄴忠 撫陝西 安寧 處興 觀理 軍務 兼糧 餉


不
入
明
志
序
中
亦
不
可
不
知
也

邠州志故州牧王君主修陽湖明經孫君所撰其記地理古跡仿諸太平寰宇記長安志記人物仿諸剡錄皆注所據之書予善而序之關中多三代古跡而邠尤古其始則商夏革所至慶節所國焉予嘗本諸書傳覽其風土而知古今合轍也邠西長武道指甘肅故爾雅謂爲極言自此窮極西域極亦或言劇亦釋官所云謂之劇旁也自唐以來設鎮將長武爲重防屢築長武城誠善政矣邠地晚寒永黍不茂涇水至淳化始有水利爲鄭白六輔冶谷諸渠所起魏王泰云其時已枯然涇水逕州境近世引爲鳴玉諸渠汎水逕三水引爲趙家諸渠合灌田雖止百餘畝亦尚可廣其利也邠州廢渠尚有水簾鎮渠引麟遊山水又有渠引洪龍大谷河水三水有渠引西溪河水俱有灌漑之利淳化有明戶部主事所立封贈源堰今皆淤塞是或尚可復也邠故出鐵漢于此設官公劉亦有取厲取鍛之文今民或用作刀剪勝于他處則財足用也予來關中屢飭所部譏察關津興修渠堰頃西安省城已請

直隸邠州志序一

帑修築通濟渠亦加疏導邠邑關隘水利亦當以次興舉守土之牧善體此意以行興利除弊之政則是予所望矣政事之暇又著毛詩稽古編與邠志多所發明詩稱皇湖過澗毛鄭孔不詳其地案昭仁寺碑有云投過澗而自滿今三水梁渠川名過澗是或唐以來相傳之說不爲無据也太平寰宇記眞寧縣有大陵水案注水經云大陵小陵水逕寧陽城詩云夾其皇澗陵水卽皇湖也今此水名支唐川亦可補詩傳之缺又芮鞠之

芮是芮水山海經謂之若水出隴首山入涇周書作納周禮作
洎皆一水也地理志云芮水出西北東入涇故初學記別水經
云洎水流入涇今俗稱宜祿川而毛萇以芮爲水涯鄭氏以爲
內其說非矣若輗巷履跡坪之屬都無所本所不敢信予又嘉
孫明經之爲此志能別白是非以得攷古之真也故并及之



其其... 涇水... 地理志... 山海經... 周書... 周禮... 初學記... 鄭氏... 孫明經...

州縣一

邠州後魏廢帝置其州屬唐虞夏雍州之域

高幽國

毛詩有幽風又云篤公劉幽居允荒又云于幽斯館涉渭爲亂夾其皇澗遡其澗止旅廼密芮鞠之卽

爾雅釋地云西至於邠國謂之四極

列子湯問篇云夏革曰朕西行至邠人民猶是以嘉知幽極之不異

孟子云昔者太王居邠狄人侵之

史記周本紀云公劉卒子慶節立國於幽

直隸邠州志卷第一

地理志云右扶風枸邑有幽鄉詩幽國公劉所都

說文解字云邠周太王國在右扶風美陽从邑分聲幽美陽亭卽幽也民俗以夜市有幽山从山从豕闕又云汎西極之水也从水八聲爾雅曰西至汎國謂四極

鄭元詩譜云幽者公劉自邠而出所徙戎狄之地名

初學記云幽州昔公劉所居也

括地志云幽州新平縣卽漢漆縣詩幽國公劉所邑之地也

見史記正義

元和郡縣志云幽周之先公劉所居之地周本紀曰至公劉

修后稷之業乃國于幽按本紀云子慶節立國於幽此誤徐廣云新平漆縣

東北有幽亭是也按幽國城在今州理東北三十九里三水

界古幽城是也

太平寰宇記云邠州古西戎之地本周公劉所居

按陝西通志據路史云有夏漆國防風氏之姓攷路史所載謬誤書傳少見今所不取

或曰顓頊之虛

晉書苻堅載記云新平王彤上疏曰臣從京兆劉湛學明於

一圖記謂臣曰新平地古顓頊之虛里名曰雞閭

太平寰宇記云邠州古顓頊之虛

周屬秦

地理志云故秦地詩風兼秦豳兩國

元和郡縣志云邠州自周東遷其地屬秦

秦爲內史地

元和郡縣志云秦并天下分三十六郡屬內史

漢爲右扶風及左馮翊上郡北地安定五郡地

地理志漆柁邑屬右扶風雲陽屬左馮翊淺水屬上郡鶉觚

屬北地郡矣舊屬安定郡

元和郡縣志云邠州漢屬右扶風今州理卽漢右扶風之漆縣也

太平寰宇記云邠州漢爲右扶風北地安定三郡地

按樂史云有安定者以三水漢安定縣名其實三水治屬今

甘肅故章懷太子賢後漢書注云三水故城在今涇州安定

縣南是也若今三水乃漢之柁邑耳

又按李吉甫樂史云邠州漢屬不及左馮翊地者以其時無

雲陽縣今則有淳化是其地也

後漢爲右扶風及左馮翊安定三郡地

郡國志枸邑漆屬右扶風雲陽屬左馮翊鶉觚屬安定郡

興平元年始置新平郡領縣二曰漆曰鶉觚屬涼州刺史

後漢書獻帝紀云興平元年十二月分安定扶風為新平郡

袁山松書曰興平元年分安定鶉觚右扶風之漆置新平郡

見劉昭注郡國志涼州刺史部郡下

地形志云新平郡後漢獻帝建安中置

按魏收云建安中置者誤

魏晉因之晉領縣二曰漆曰汾邑屬雍州刺史今屬又得扶風

北地二郡地

太平寰宇記云歷魏晉同之

晉書地理志新平郡統縣二漆汾邑又池陽屬扶風鶉觚屬

北地

太平寰宇記云晉武帝分漆縣置函邑縣

姚萇之世郡縣俱廢

元和郡縣志云邠州及姚萇之亂此地郡縣並無理所

太平寰宇記云郡縣俱廢

後魏又置新平郡領縣四今屬又得北地隨平二郡地

地形志新平郡領縣四白土地今屬爰得今不屬三水今屬高平今不屬

又雲陽屬北地鶉觚東槃屬隨平隨平隋書地志作趙平

元和郡縣志云邠州後魏又置郡焉

大統十四年曰南幽州

元和郡縣志云幽州文帝大統十四年于今置理南幽州

太平寰宇記云後魏大統十四年分涇州之新平縣置南幽

州以北別有幽此為南

廢帝三年曰幽州今屬又得恒州涇州趙平郡地

隋書地理志云北地郡新平西魏置幽州

元和郡縣志云廢帝除南字

太平寰宇記云廢帝三年廢北幽州此遂去南字

隋書地理志云三水西魏置恒州尋廢鶻觚舊置趙平郡後

周廢郡

元和郡縣志云宜祿縣廢帝隸涇州

周因之今屬又得雲陽郡地

太平寰宇記云後周因之

隋書地理志云雲陽後周置雲陽郡開皇初郡廢

隋大業二年省入寧州其年又改寧州爲幽州

隋書地理志云大業初州廢

直隸邠州志卷第一

元和郡縣志云大業二年省入寧州

太平寰宇記云大業二年省幽州以縣屬寧州又改寧州爲

幽州

三年改曰北地郡今屬又得京兆安定郡地

隋書地理志新平三水屬北地郡又雲陽屬京兆郡鶻觚屬

安定郡

元和郡縣志缺載

太平寰宇記云三年改幽州爲北地郡

義寧二年復曰新平郡領縣二曰新平曰三水

元和郡縣志云義寧二年復爲新平郡

舊唐書地理志云義寧二年割北地郡之新平三水

新平郡

太平寰宇記云以其地屬安定北地二郡至義寧二年割北地之新平三水二縣置新平郡復後漢舊名

唐武德元年改爲幽州

元和郡縣志云新平郡武德元年復爲幽州

舊唐書地理志云武德元年改爲邠州

二年分新平置永壽縣領縣三今屬又得泉州地

元和郡縣志云武德二年分新平縣南界于今理北三十里

永壽原西分置永壽縣

又云三年於石門縣置泉州領石門溫秀二縣貞觀元年廢

泉州

貞觀二年分新平又置宜祿縣領縣四

元和郡縣志云貞觀二年分新平又置宜祿縣後魏舊名也

神龍元年割永壽屬雍州領縣三景龍元年復屬仍領縣四

舊唐書地理志云永壽神龍三年改屬雍州景龍元年復屬

邠州

開元十三年改字曰邠

元和郡縣志云開元十三年以幽與幽字相涉詔曰魚魯變

文荆并誤聽欲求辨惑必也正名改爲邠字

唐會要云開元十三年二月二十二日改幽字爲邠

天寶元年改曰新平郡乾元元年復爲邠州緊屬邠寧節度

屬又得京兆郡地

元和郡縣志舊唐書地理志太平寰宇記並云天寶元年改

曰新平郡乾元元年復爲邠

元和郡縣志云邠州緊令爲邠節度理所管縣四新平

地令

三水地今永壽屬今不宜祿地今屬

又雲陽屬京兆屬府

梁唐晉漢周皆有周又領定平縣

五代史職方考邠屬岐靜難梁有唐有晉有漢有周有

太平寰宇記云定平縣周世宗顯德五年隸于邠州尋又屬

寧州今不屬

文獻通考云邠州周廢衍州以定平縣來屬

宋初屬靜難軍節度永興軍路仍領縣五乾德二年以永壽屬

乾州領縣四熙寧五年永壽又來屬以定平屬寧州領縣四

和七年定平又來屬領縣五八年以永壽屬醴州領縣四

太平寰宇記云邠州元領縣五新平三水宜祿定平一縣割

出長壽入乾州又云定平縣皇朝又隸邠州

又雲陽縣屬耀州

文獻通考輿地八邠州云周廢衍州以定平縣來屬宋乾德

二年以永壽屬乾州熙寧五年廢乾州永壽縣及二寨來隸

以定平縣隸寧州政和七年復以故乾州爲醴州割寧州定

平縣來隸八年復以永壽隸醴州

宣和元年以耀州淳化縣來屬領縣五

文獻通考輿地八云邠州領縣五新平地今屬三水今宜祿地

屬定平今不屬淳化今屬

又長武屬涇州

又云宣和初以耀州淳化來隸

又云永興軍路

宋史地理志同又云淳化宣和元年自耀州來隸

金屬陝西慶原路中領縣五今屬又得涇州地

文獻通考云邠州紹興後沒於金金隸陝西慶原路

金史地理志云邠州中縣五新平地今屬淳化今屬宜祿地今屬永

壽今不屬三水今屬

又長武屬涇州

元屬鞏昌路便宜都總帥府下後屬陝西漢中道宣慰訪司領

縣二曰新平曰淳化今屬又得涇州地

元史地理志邠州下領縣二新平地今屬淳化今屬

又淳化云至元三年省三水入本縣

又云至元十一年長武仍併於涇州

明屬西安府沖煩中省新平宜祿二縣入州領縣三曰淳化曰

三水曰長武

直隸邠州志卷第一

續文獻通考云邠州本朝以新平省入州復置三水長武二

縣並淳化領縣三屬西安府又云長武萬歷十一年添置

舊志云明仍為邠州省新平宜祿二縣隸西安府

國朝為簡缺衝難屬西安府雍正三年直隸陝西布政司領縣

三曰三水曰淳化曰長武

州治漢漆縣屬右扶風亦爰得縣地

地理志右扶風有漆又安定郡有爰得

括地志云邕州新平縣即漢漆縣也

太平寰宇記云新平縣有爰得城

後漢因之與平元年屬新平郡為郡治

郡國志右扶風有漆

皆因之

晉書地理志新平郡有漆

後魏曰白土縣亦屬新平郡為郡治亦爰得縣地二里

地形志新平郡有白土又有爰得

元和郡縣志云新平縣後魏于今西南十里陳陽原上置白

土縣屬新平郡

大統十四年于治置南幽州以縣屬

元和郡縣志云云見前

廢帝三年改曰幽州

隋書地理志云新平魏曰白土西魏置幽州

周復置新平郡以縣屬

周書云大統十年魏太子自新平出安定又楊樹傳云韓盛

保定四年出為新平郡守

直隸邠州志卷第一

八

隋開皇三年移縣州城中屬幽州大業二年省州屬寧州

元和郡縣志云開皇三年罷郡移白土縣于今州城中置幽

州又云大業二年省幽州入寧州

四年改縣曰新平屬北地郡

隋書地理志北地郡有新平云魏曰白土開皇四年改縣為

新平

唐武德元年屬幽州為望縣郭下

元和郡縣志云新平縣唐武德元年以新平郡又為幽州縣

屬焉又云新平縣望郭下

貞元十年為次赤縣

唐會要云新升次赤縣邠州新平貞元十年十二月升

宋同

文獻通考云邠州治新平

宋史地理志邠州有新平望

明省縣爲州

續文獻通考云本朝以新平省入州

國朝因之

三水縣後魏置

文獻通考云三水後魏縣

按地形志云新平郡三水二漢屬安定晉罷元和郡縣志云三水縣本漢舊縣屬安定郡以縣界有羅川谷三泉並流故以爲號魏改三水縣爲西州縣亦屬安定考此三水故城在今甘肅涇州西南章懷太子賢後漢書注云三水故城在今涇州安定縣南是也唐良原縣是其地李吉甫樂史於三水縣不云漢柯邑地而妄引漢安定屬縣名今所不取

直隸邠州志卷第一

九

商陶鄉慶節所國

地理志云柯邑有陶鄉

周郇國地

漢書注云應劭曰左氏傳曰畢原豐郇文之昭也郇侯賈伯伐晉是也

元和郡縣志云三水縣柯邑故城在縣東二十五里卽漢柯邑縣古郇國也左傳云畢原豐郇文之昭也

漢置柯邑縣屬右扶風

地理志右扶風有柯邑

章懷太子賢後漢注云柯邑故城在今幽州三水縣東北

後漢及魏同

郡國志右扶風有枸邑

晉曰汾邑屬新平郡云云云云

晉書地理志新平郡有汾邑

後魏置三水縣取漢舊名

地形志新平郡有三水云晉罷後復屬

元和郡縣志云三水縣後魏於今縣理西二十八里重置三

水縣取漢舊名屬新平

西魏置恒州尋廢

隋書地理志云三水西魏置恒州尋廢

隋開皇三年屬邠州

元和郡縣志云後魏三水屬新平開皇三年罷郡以縣屬邠

州

直隸邠州志卷第一

十

後屬北地郡

隋書地理志北地郡有三水

唐屬邠州為緊縣

元和郡縣志云邠州三水縣緊

太平寰宇記云唐武德元年以新平郡為豳州三水縣屬焉

宋為上縣

宋史地理志邠州有三水

金因之

金史地理志邠州有三水

元至元七年省縣入淳化

元史地理志淳化云至元七年省三水入本縣

明成化十四年析淳化置三水

續文獻通考云三水本淳化縣地明成化十四年析置
爲僻簡下縣

明圖經云三水僻簡下

通志云三水縣成化十四年復置

按續文獻通考云宋析置三水而通志云明始置縣不同
國朝因之爲簡缺屬邠州

淳化縣宋置

漢雲陽雲陵二縣屬左馮翊

地理志左馮翊有雲陽雲陵

漢書昭帝本紀云後元二年起雲陵以其地置雲陵邑平帝
本紀云元始四年罷雲陵爲縣

太平寰宇記云雲陽縣亦有雲陵今本譌作美陽縣地又云昭帝立

此縣今縣西北八十里故城卽漢理也

明一統志云雲陵故城在淳化縣北三十里

後漢爲雲陽縣省雲陵

郡國志左馮翊有雲陽

太平寰宇記云後漢末省縣西北八十里故城卽漢理也

魏罷縣置撫夷護軍

元和郡縣志云雲陽魏司馬宣王撫慰關中罷縣置撫夷護

軍

晉趙王倫鎮長安罷護軍後復立劉石苻姚因之

元和郡縣志云及趙王倫鎮長安復罷護軍劉石苻姚因之

太平寰宇記云趙王倫鎮長安復罷護軍後氏羌反又立護

軍劉石苻姚因之

後魏太平眞君七年復置雲陽縣屬北地郡

地形志北地郡有雲陽云二漢屬左馮翊晉罷後復屬

元和郡縣志云魏罷護軍更于今理別置雲陽縣

長安志云後魏太平眞君七年罷護軍別置雲陽縣

後周置雲陽郡開皇初郡廢

隋書地理志云雲陽舊置後周置雲陽郡開皇初郡廢

隋屬京兆郡

隋書地理志京兆郡有雲陽

唐爲次赤縣初屬雍州武德元年分置石門縣

元和郡縣志云雲陽次赤又云武德元年分置石門縣

三年于縣置東泉州

元和郡縣志云三年于石門縣置東泉州

直隸邠州志卷第一

十一

舊唐書地理志云三年今本作二年分溫秀石門二縣置泉州

貞觀元年廢州改石門爲雲陽改雲陽爲池陽

元和郡縣志云貞觀元年廢州改石門縣爲雲陽縣

舊唐書地理志云貞觀元年廢泉州改石門縣爲雲陽縣

雲陽爲池陽並屬雍州

八年廢雲陽縣入池陽仍改池陽爲雲陽縣

舊唐書地理志云八年廢雲陽改池陽復名雲陽

長安志云八年省雲陽以其地入池陽

垂拱二年改爲永安縣

太平寰宇記云武后垂拱二年改爲永安縣

天授二年置鼎州以縣屬

舊唐書地理志云天授二年分雲陽等縣置宜州按當爲鼎州

太平寰宇記云天授二年以雲陽置鼎州以三原涇陽醴泉等四縣屬焉

大足元年州廢縣仍屬雍州後屬京兆府

舊唐書地理志云邕州

今誤作宜州

大足元年罷

太平寰宇記云雲陽縣久視元年廢州縣仍隸府焉

按樂史云久視元年者誤新唐書地理志亦作大足元年

神龍初復舊爲雲陽縣

太平寰宇記云云

後唐同光二年割屬耀州

太平寰宇記云梁改耀州爲崇州後唐同光元年改爲耀州

順義軍并割雍州之雲陽以屬焉

長安志云雲陽縣後唐同光元年析隸耀州

直隸邠州志卷第

宋淳化四年升縣之黎園鎮爲淳化縣中仍隸耀州

長安志云雲陽縣黎園鎮在金龜鄉唐李克用以并師討邠

岐軍梨園寨皇朝淳化四年建爲淳化縣以雲陽金龜平泉

右四三鄉仍析山後甘延溫豐威遠三鄉屬焉按太子中舍

人黃觀言此地山林深僻多聚賊盜遂建爲縣

宋史地理志淳化中云淳化四年升耀州雲陽黎園鎮爲縣

宣和元年屬邠州

文獻通考邠州領淳化

宋史地理志云邠州淳化宣和元年自耀州來隸

金因之

金史地理志邠州有淳化

元爲下縣又以三水併入

元史地理志邠州有淳化下云至元七年省三水入本縣
明因之爲僻簡中縣

明圖經邠州有淳化僻簡中

國朝爲簡缺屬邠州

長武縣宋置

秦鶉觚縣

太平寰宇記按周地圖記云鶉觚縣者秦使太子扶蘇及蒙恬築長城見此原水淺因欲築城遂以觚爵奠祭乃有鶉鳥飛升觚上以爲靈異因以名縣

漢鶉觚淺水陰槃三縣地

地理志北地郡有鶉觚安定郡有陰槃上郡有淺水

元和郡縣志云宜祿縣本漢淺水縣地又云陰槃城在縣西

直隸邠州志卷第一

十四

北二十五里

太平寰宇記云宜祿縣本漢鶉觚縣

後漢爲鶉觚陰槃二縣屬安定省淺水縣

郡國志安定有陰槃又有鶉觚云故屬北地

興平元年以鶉觚屬新平郡

袁山松書云云見前

晉屬安定郡

晉書地理志安定郡有鶉觚

後魏爲隋平郡治又分置東盤縣俱屬隨平郡

按隋地理志作趙平

地形志隨平郡有鶉觚有東盤

隋地理志云鶉觚舊置趙平郡

元和郡縣志云宜祿縣後魏爲東陰槃縣地

太平寰宇記云周地圖記云後魏孝明帝熙平二年鶻觚縣置東陰盤縣

廢帝改曰宜祿

元和郡縣志云宜祿縣廢帝以縣東臨宜祿川因改名隸涇州

後周廢郡以宜祿入鶻觚縣屬新平郡

周書楊對傳云韓盛保定四年出爲新平郡守

元和郡縣志云暨周隋又爲白土縣

通志云或周併宜祿縣于白土

隋屬安定郡

隋書地理志安定郡有鶻觚

唐貞觀二年分新平置宜祿縣中屬邠州

直隸邠州志卷第

十五

元和郡縣志邠州有宜祿縣中云貞觀二年分新平縣又置宜祿縣後魏舊名也

新唐書地理志云析新平及涇州之保定靈臺置

宋因之咸平四年又分保定長武砦置長武縣爲望縣屬涇州文獻通考涇州有長武云宋縣

宋史地理志邠州有宜祿望又涇州有長武望云咸平四年升長武鎮爲縣又云保定有長武砦

按元和郡縣志云宜祿縣長武城在縣西五十里隋開皇中

築則縣以此名

五年省入保定

宋史地理志云五年省爲砦屬保定

大觀二年復以砦爲縣

宋史地理志云云

金仍爲宜祿長武二縣

金史地理志邠州有宜祿涇州有長武

續文獻通考云金涇州徙治長武

元省長武入涇州

元史地理志涇州靈臺云至元七年長武仍併於涇州

通志云長武至元十一年省與此異

明省宜祿縣入州萬歷十一年重置長武屬邠州

續文獻通考云長武本朝萬歷十一年添置

國朝因之爲要缺衝繁難

右州縣章終

知州王朝爵王修

陽湖孫星衍撰

州縣故治今治二

漢漆縣故城

章懷太子賢後漢書注云漆縣故城在今豳州新平縣也漆水在西

元和郡縣志云邠州今理卽漢右扶風之漆縣也

按後漢新平郡治此

又按漢漆縣故城唐人以爲邠州治則近今州治矣麟游縣志云漆縣在縣西一百二十里其說非也

漢爰得故城

太平寰宇記云新平縣爰得城漢書地理志云爰得縣屬安

定郡後漢省卽此城也

按後魏爰得亦治此

漢枸邑故城

章懷太子賢後漢書注云枸邑故城在今豳州三水縣東北

元和郡縣志云三水縣枸邑故城在縣東二十五里卽漢枸

邑縣屬右扶風

太平寰宇記云三水縣今縣東北二十五里枸邑原上有枸

邑故城卽漢理所

按晉汾邑疑卽治此

漢陰槃故城

元和郡縣志云漢陰槃縣在今邠州宜祿縣西二十三里陰

槃故城是也又云宜祿縣陰槃城在縣西北二十五里

太平寰宇記云宜祿縣廢陰槃縣在縣西北按漢書武帝元
年立陰槃縣屬涼州徙於新豐其縣遂廢

漢鶉觚故城

太平寰宇記云宜祿縣廢鶉觚縣在縣西十里漢書地理志
云後漢永建四年屬涼州石勒改為趙平郡建武十年涇州
東南置趙平郡此縣遂廢

長武縣志云鶉觚舊治在縣南四十里枝邨原故阨尚存州
志云在州西八十里

漢雲陽故城

括地志云雲陽城在雍州雲陽縣西八十里秦始皇甘泉宮
在焉見史記正義

元和郡縣志云雲陽縣漢雲陽故縣在縣西北八十里

直隸邠州志卷一

通志云在淳化縣西北十里城基猶存

漢雲陵故城

太平寰宇記云雲陽縣亦有雲陵今本誤作美陽長安志誤作美原縣地地

理志云昭帝立此縣屬左馮翊後漢末省西北八十里安
志云六故城卽漢理也

長安圖記三輔圖云雲陵今入雲陽縣

長安志云雲陽縣漢昭帝趙太后雲陵在故縣南

明一統志云雲陵故城在淳化縣北三十里

州志云云同

漢淺水故城

太平寰宇記云宜祿縣廢淺水縣在縣北五里後魏大統十

四年廢

長武縣志云淺水舊縣在城北五里

通志云折塘城卽淺水故縣

後魏白土故城

元和郡縣志云新平縣後魏于今西南十里陳陽原上置白

土縣屬新平郡

通志云白土故城在州西南

後魏雲陽故城

元和郡縣志云雲陽縣後魏罷護軍更于今理別置雲陽縣

隋因之

後魏宜祿故城

州志云鴉觚漢屬北地後魏改宜祿在州西八十里

按卽漢鴉觚縣治

直隸邠州志卷第二

後魏三水故城

元和郡縣志云三水後魏于今縣理西二十八里重置三水

縣取漢舊名屬新平郡

按今州東北邠谷南有三水故城卽是與三水接界

後魏大統移三水故城

太平寰宇記云三水縣太統十四年移縣于今邠州東三里

西新平故郡白馬堡

通志云三水廢城在縣東五里隋城臺基門落尚存

隋白土故城

元和郡縣志云開皇三年移白土縣于今州城中四年改白

土縣爲新平縣

太平寰宇記云開皇三年罷郡于今州城中置邠州

一州志云新平廢縣在州南隋所建是也亦卽白土縣
隋開皇移三水故城

一太平寰宇記云隋開皇三年移理于邠州西北十五里城
隋大業移三水故城

太平寰宇記云三水縣大業元年自故郡城移于今理
唐邠州治新平故城

元和郡縣志云州境東西二百里南北二百七十里八到東
南至上都三百里東北至東都一千一百六十里東至坊州
二百一十里南至奉天縣一百三十里西北至寧州一百四
十里西北至涇州一百八十里

舊唐書地理志云邠州去京師西北四百九十里疑非至東
都一千一
百三十
二里

州志云故邠州城南北狹東西依水唐城也於今城相因

通志云新平故城卽今治

按今在布政司西北三百二十里是治稍移于東南

唐三水故城

元和郡縣志云西南至州六十里

太平寰宇記云元和十二年移縣於隴堡下舊城初大歷中
吐蕃焚縣城又復移堡上人民不便爲邠州帥郭劍所請復
移下之

州志云舊三水城在縣東五里東西八里南北三里遺阨門

落臺基俱存

按今三水縣西南至州六十五里則州志所云唐城也

三水縣志云廣德元年吐蕃焚畧移縣東北三十里職田鎮

元和四年復移治隴川堡

唐宜祿故城

元和郡縣志云東至州八十一里又云淺水原卽今縣理所
州志云宜祿廢縣州西八十里宋元因之後廢今設有驛遞
通志云宜祿故城卽今治

按今長武縣東南至州八十里則唐治在今縣西淺水原亦
在今縣西也

唐雲陽故城

元和郡縣志云京兆府雲陽縣西南至府一百一十里

唐武德雲陽故城

太平寰宇記云唐武德元年分雲陽縣仍于雲陽縣南十五
里水衝城以安之

直隸邠州志卷第二

五

長安志云武德元年徙雲陽縣於南十五里治水衝城

淳化縣志云古雲陽城在縣西北五十里後人多指甘泉山

前爲古雲陽縣北有邨亦名古城邨

按涇陽縣志云卽涇陽縣北三十里雲陽鎮則故城不在州
屬也疑涇陽故城乃武德所徙南十五里城

宋邠州治新平故城

太平寰宇記云州境東西二百里南北一百二十里四至八
到云東至東京一千五百三十二里東南至西京一千一百
三十三里東南至長安二百八十二里若至奉天縣一百三
十里東至坊州三百三十五里北至寧州一百九十里西至
涇州一百九十里西南至鳳翔府一百六十二里東南至坊
州三百一十五里西北至涇州三百一十五里

按道里與唐徵異者治移于西北

州志云故邠州城四面廣闊而東南亘於山頂宋城也又云山城與今城相連宋金繼修元末李思濟令部將何近仁重修城高三丈周圍五里池深二丈堅實高厚非近代可及

宋三水故城

太平寰宇記云東北六十里

按卽唐治又縣志云雞阜山在縣東里許舊縣之城址在其前恐是宋治

宋宜祿故城

太平寰宇記云西八十里

按卽唐治

宋雲陽故城

太平寰宇記云耀州西南七十里

直隸邠州志卷第

六

長安志云西南至府一百二十里縣境東西七十里南北二

百二十里縣城周二里餘一百一十步一崇九尺壕深二尺

今邠州城明故治在布政司西北三百二十里州境東至耀州

界一百八十里西至涇州界一百一十里南至永壽縣界三十

五里北至寧州界六十里

正北徵東至徵寧縣界六十里

東南由淳化至涇陽

縣界一百七十里西南至麟遊縣界七十五里東北至宜君縣

界一百五十里西北至寧州界一百二十里距京師三千里州

治東至淳化縣治一百四十里西至長武縣治八十里南至永

壽縣治七十里東北至三水縣治六十五里西南至麟遊縣治

一百四十里東至淳化縣界八十五里西至長武縣界四十里

南至永壽縣界三十五里北至寧州界六十里東南至淳化縣

界八十里西南至麟遊縣界七十里東北至三水縣界三十五里西北至寧州界七十五里

州志云州城圍九里三分濠深二丈又牆二重城高東南面各三丈東北面各三丈七尺有奇埤堦二千三百六十敵臺四百三十二戍樓六十二吊橋東西門各一城門四皆覆屋重簷東曰太平遺澤西曰公劉啟化北曰姜嫄祖武皆知州孫禮增建南曰后稷開基知州姚本建

今三水縣明故治在州東北六十五里東至宜君縣治二百一十里東南至耀州治一百六十里南至淳化縣治一百里西南至州治六十五里東至宜君縣界六十餘里西至州界三十里南至淳化縣界五十里北至徵寧縣界五十里東南至耀州界七十里西南至州界四十里東北至宜君縣界九十里西北至徵寧縣界六十里距省二百七十里

直隸州志卷第一

七

州志云城圍五里三分成化十四年知縣楊豫成化二十二年知縣馬宗仁正德七年知縣趙璽嘉靖二十六年知縣蔣廷珮增修濶一丈三尺高三丈五尺池濶二丈五尺深一丈今淳化縣宋故治在州東南一百四十里東至耀州治九十里西至本州治一百四十里南至醴泉縣治一百二十里北至三水縣治一百里東南至涇陽縣治九十里東至耀州界四十里西至州界四十五里南至醴泉縣界四十里北至三水縣界四十五里東南至涇陽縣界四十里西南至醴泉縣界五十里東北至耀州界四十五里西北至三水縣界四十里距省一百六十里

州志云城圍五里三分高三丈五尺上闕一丈下闕二丈五

尺南北西滿東河三面有門門各一樓東曰迎和南曰阜民
北曰拱極

今長武縣宋故治在縣西北八十里東至州治八十里西至涇
州治一百一十里南至靈臺縣治五十五里北至寧州治九十
里東南至麟遊縣治一百二十里東至州界四十里西至寧州
界三十里南至靈臺縣界三十五里北至寧州界三十里東南
至靈臺縣界四十里西南至涇州界三十里東北至州界三十
五里西北至寧州界四十里距省四百里

縣志云城周三里濠深二丈東南曠原西北大谷

右州縣治章終

山屬三

邠州十五

幽山

許君說文云幽美陽亭卽幽也民俗以夜市有幽山从山从

豨按桓譚新論云卽在漆縣其民有會口以柘與夜中市則夜市是漆縣民俗幽山亦在此矣

方輿勝覽云幽山巖壑欹欻委曲百折瀑飛濺濺一名安定

巖

州志云邠山在州城南又云一名鳳凰山俗以爲周初鳳凰

所棲有履跡坪在城南門外俗傳姜嫄履巨人跡于此

師曠山

直隸邠州志卷第三

劉昭注郡國志漆云皇覽曰有師曠冢名師曠山

按其山舊志俱闕載

五龍原

元和郡縣志云新平縣五龍原在縣南三里原側有五泉水

因名

太平寰宇記云新平縣五龍原原側有五泉出焉因以爲名

通志云五龍原在幽山之麓或以爲卽詩所云瞻彼溥原者

壽山

州志云壽山在州城外東南高陵平頂上有數十家聚落如

隱者之居茂林修竹

岐亭嶺

地形志云白土有岐亭嶺

按白土治在陳陽原則岐亭嶺在此縣無疑今無考

陳陽原

白土原

元和郡縣志云後魏于今縣西南十里陳陽原上置白土縣
太平寰宇記云今縣西九里有白土川水東北流經白土原
東陳陽原西

紫微山

何景明雍大記云山有后稷若相傳內有宅宋楊延昭所居
州志云在州城內上有金宋屯兵故砦

龍柏山

州志云在州北三十里山形高聳上多叢柏

明岵山

州志云在州西十里水簾洞在明岵之麓洞中有水流出深
不可測

真嘉邠州志卷第三

通志云唐貞觀中鑿山爲連珠小竅形有飛閣每歲元宵民
率張燈於此以祈年

白兔岩

州志云在州西十里岩石青赤兔形白色

幽谷

州志云在州東三十里卽公劉立國處

賀家谷

州志云在州西有唐人賀桂故宅

夏侯坡

州志云在州東五里石窰尚存舊傳夏侯氏所居

蒲澤谷

州志云在州東七里宋人潘邠老讀書處

三水三十

石門山

史記秦本記云獻公二十一年與晉戰于石門正義云括地志云堯門山俗名石門在雍州三原縣西北上有路若門故老云堯鑿山為門因名之

地形志云高平有石門山

一元和郡縣志云三水縣石門山在縣東五十里峯巖相對望之似門

太平寰宇記云三水縣石門山王褒雲陽宮記東北有石門崗巒糾紛千霄秀出有石巖容數百人甘泉賦云封巒石闕施靡序延屬

新唐書地理志云三水有石門山

直隸鄜州志卷第三

三

金史地理志云三水有石門山

州志云石門山在縣東六十里俗傳秦太子扶蘇賜死處碑刻墮落不可考

縣志云石門山亦名堯門堯鑿之以洩洪水至漢更名石門在邑東南為幽國之鎮高峻插天對峙如門以漢武於此立關為名按石門之名在晉獻公時見可馬遷史記則括地志以為俗名非是縣志又以為石門漢更名益非也今

正加駁

子午山一名汾水嶺

太平寰宇記云三水縣翟道山一名子午山

按三水北與微寧接界子午山

在微寧

縣志云分水嶺當縣之東北九十里其嶺上接子午北八大

漠按初學記引水經注云鄜州有汾水嶺即此汾分字相近

馬嶺山

太平寰宇記云三水縣馬嶺山俗名箭括嶺抵慶州界有馬嶺水出焉

通志云在縣西北六十里

女郎山

太平寰宇記云三水縣華池女郎山並在郡邑

按此即白於山

肖塔山

州志云在縣東四里又云窰谷義谷麻谷俱在縣東三里肖

塔田山之下

縣志云形似七級浮屠亦石闕之支

雞阜山

州志云在縣東北二里

直隸邠州志卷第三

四

縣志云舊縣城址在其前侯君集冢當其麓

黑石巖

州志云在縣東五十里

縣志云巖色黝黑壁立萬仞林木陰翳

通志云佛面坡即黑石巖見名山記

蒲谷

州志云在縣東二十五里

甘谷

州志云在縣南十里鋪

縣志云爲赴省孔道水疇高低衝柳參差南上五里長阪通

右公原

柳谷

州志云在縣南三十里

後谷

州志云在縣北十里

堡嶺

縣志云在縣東三十里卽漢之左谷後秦魏武王姚襄立寨三百六十堡嶺其一也上有元人所建蘭若旁支俗名龍觜孝子文少蒼易名龍山種柏千株翠色欲滴按左谷在甘肅此非也

中嶺

賈志云在縣東三十里堡嶺之右高下有穴數十容百人俗傳漢盧芳所鑿今名官家洞按盧芳所据三水在甘肅涇州非此三水

州志云官家石洞在縣東北三十里宋金人避兵于此其山高三百尺上有石室三百餘內有石門石坑石窗至正九年

頁隸邠州志卷第三

五

造有碑下有觀音湫

縣志云亦名飛雲洞卽古公陶復陶穴者

石觜山

縣志云亦名馬關在縣東十五

翠屏山

賈志云幽山一名翠屏山一名挂榜山在縣治南大雅所謂南岡

縣志云峯有孫真人行祠元夕並二月二日隨山布鏡若列

星焉

焦家山

縣志云在挂榜山南五里

戴家山

縣志云出石門北折入林木陰翳不復平曠

蘭林山

縣志云至縣六十里日出銜照丹霞掩映

兩女砦

通志云在縣東北七十里其麓有兩家俗傳為秦扶蘇二女

葬處

白虎谷

縣志云在縣西北十五里即唐鄭谷詩所謂谷評白虎藏岩

洞是

神林山

縣志云在縣東七十里因有茂公祠得名

鳳凰山

直隸邳州志卷第三

縣志云在縣西北隅岡巖鳳形舊有阿徒堡廢址存

蟠龍山

縣志云去縣三十五里

劉家山

縣志云在縣東四十里舊有炭窰康熙四十年久雨崩陷民

失其利

捫天嶺

縣志云在石門南曰攢天嶺文太青改名

觀音巖

縣志云在趙洞左上則藤蘿垂蔭下則漣漪紆曲遇暎乾所

輒應

袁郎河

縣志云在官家洞左或爲元西臺御史桑哥失里所穿門依
碧流攬勝所取

趙家洞

縣志云亦名琅天洞去縣二十五里光祿文翔鳳生于洞陽
柏下其巖深長寬平可眺遠內有石屋

流石洞

縣志云在琅天洞右

白石洞

縣志云在縣東七里文倬天種桃百株其麓改名桃源洞春
月紺紅如錦

淳化十七

甘泉山

直隸邳州志卷五

七

戰國策云范雎說秦昭王曰北有甘泉谷口之因

封禪書云公孫卿曰黃帝接萬靈明廷明廷者甘泉也

漢書注應劭曰甘泉山在雲陽

晉灼云雲陽甘泉黃帝以來祭天圓丘處也

括地志云甘泉山一名鼓原俗名磨石嶺在雍州雲陽縣西

北九十里關中記云甘泉宮在甘泉山上年代永久無復甘

泉之名失其實也宮北云有連山上

按此下當
疑名字爲磨石嶺

見史記正義

元和郡縣志云雲陽縣甘泉山一名磨石嶺在縣西北九十

里周回六十里

十道志云甘泉出石鼓西原見長安志

太平寰宇記云雲陽縣甘泉山按漢書云單于烽候以應甘

泉卽此山也又有甘泉水經縣北

新唐書地理志云雲陽有甘泉山

荆山

地理志云襄德禹貢北條荆山在南

一劉昭注郡國志云雲陽有荆山帝王世記云禹鑄鬲於荆山在馮翊懷德之界今其下荆渠也

元和郡縣志云雲陽縣嵯峨山一名峨嶓山在縣東北十里東西二十五里南北二十里山有雲必雨常以爲候

太平寰宇記云雲陽縣巖薛山在縣東北十里一名慈峨山一王褒雲陽宮記東有慈峨山今土人謂之嵯峨昔黃帝鑄鬲於此山

長安志云云同

新唐書地理志云雲陽嵯峨山在西北四十里

長安志云四夷郡縣圖記曰山頂有雲起卽雨人以爲候黃帝鑄鬲於此山

縣志云山在縣東南五十里五峯秀立土人亦呼北五臺西南屬涇陽東南屬三原西北屬淳化

石門山

州志云在縣北六十里兩山壁立如門

縣志云亦稱石門關世傳公子扶蘇賜死處今俗以扶蘇爲石門神立廟唐初置縣明初築闕西南屬三原北屬三水在三原曰堯門山

三原曰堯門山

按石門山見古書傳甚多已載上三水下

封禪書云汾陰玉錦得鬲天子使使以禮迎鬲至甘泉從行
上薦之至中山臚賜有黃雲蓋焉

河渠書云水工鄭國鑿涇水自中山西即狐口爲渠

徐廣云關中有仲山非冀州者也

括地志云中今本脫一名仲山在雍州雲陽縣西十五里

顏師古注漢書云中山卽今九巘山之東仲山也

太平寰宇記雲陽有中山

長安志云雲陽縣中山在縣西北四十里雲陽宮記曰宮南
三十里有仲山未詳古之何山山有竹箭生焉俗傳高祖兄
仲所居今山有仲子廟積旱祈之鬲此射獵則風雨暴至廟
有一泉未曾水竭

直隸邠州志卷第三

九

文獻通考云淳化有中山

金史地理志云淳化有中山

州志云在縣東南二十五里

縣志云在縣南三十里南屬涇陽俗以嵯峨山爲孟此爲仲
故名

按仲山見項羽傳以爲因高祖兄得名非也

車箱阪

元和郡縣志云雲陽縣車箱阪在縣西北三十八里縈紆曲
折單軌纜通上阪則平原宏敞樓觀相屬卽趨甘泉宮道也
雲陽宮記云車箱阪下有梨園一頃樹數百株青翠繁密望
之如車蓋見太平寰宇記

文獻通考云淳化有車箱阪

金史地理志云淳化有車箱阪

州志云在縣東北三十五里縣志云亦名車盤嶺

壽峯山

州志云在縣北門外縣志云在縣北二里宋振鱗嘗考證此山卽甘泉賦所云三巒山今俗呼三楞山按李善注與宋說異

通志云按服虔注掾巒爲甘泉南山又李善云三巒卽封巒觀疑掾巒爲三楞山而三巒爲觀名也

五龍谷

太平寰宇記雲陽縣有五龍谷泉注水經五龍水出雲陽西南

州志云在縣西三十五里五峯如鳳縣志云山卽五龍谷

冶谷

王褒雲陽宮記云冶谷去雲陽宮八十里封禪書所謂谷口是也其山出鐵冶鑄之所因以爲名入谷便洪潦沸騰飛泉激射兩峯皆峭壁孤豎盤橫坑谷凜然凝沍常如八九月中朱明盛暑當晝暫暄涼秋晚候溫袍不煖所謂寒門者也又云入冶谷二十里有一槐樹樹北有泉名曰金泉今按此樹猶存在金泉西南百步谷中今有毛原監見太平寰宇記顏師古注溝洫志穿渠引溼水起谷口云谷口卽今雲陽縣治谷是太平寰宇記長安志雲陽縣俱有冶谷

縣志云仲山嵯峨山之間曰谷谷有二石如門立其中多古蹟

鳳凰山大唐山

州志云在縣東北二十里大唐山在縣東五十里神兔嶺在縣東十里

縣志云鳳凰山在縣東北三十里又十里大唐山亦名辰頭嶺唐人於此取茶俗呼為神兔嶺南達涇陽三原七里坡三里坡西北至石門關通延安慶陽平涼順治初委官設兵名其地曰安營堡

相山

州志云一名盤寨嶺在縣東北二十五里

巴山

州志云在縣西南三十里下有石將雨則湫出

牛山

州志云在縣南三十里

直隸邠州志卷第三

避暑山退駕原

州志云山在縣東北三十里縣志云退駕原在縣東北三十里

通志云避暑山相近有退駕原

張果崖

州志云在縣東北七十里縣志云亦屬耀州

石蛇阜

長安志云雲陽縣古石蛇在縣南四十里

喫茶嶺

縣志云在縣東五十里

棗坪

縣志云在縣南二里其西口封贈原

長武十五

鶉觚原亦曰淺水原

地形志云鶉觚有鶉孤原今本作孤原

元和郡縣志云宜祿縣淺水原即今縣理所

太平寰宇記云宜祿縣鶉觚原一名淺水原

新唐書地理志云宜祿有淺水原

文獻通考云宜祿有鶉觚原

縣志云縣治北有集賢岡上有唐英公祠

通志云淺水原即鶉觚原又名集賢岡一名四蓋山一名五

鳳巢在縣治西

宜山

縣志云在城南十里山形以宜子午相公別業故陞

直隸州志卷第三

神龍山

縣志云在縣北五里山產蛇有角

馬鞍山

縣志云在縣南二十里

谷山

縣志云在縣東南三十里

回龍山

縣志云在縣東四十里峯回四顧

畫閣山

縣志云在縣南三十里誌公說法處前曰錦屏後曰大雄左

曰龍降右曰虎伏旁有泉冬日不凍曰溫泉

翔雁山

縣志云在縣南十五里

龍纏峯

縣志云在縣西南十五里

黑虎山

通志云在縣東南十里

三台山

通志云在東南接麟游界

岐山

通志云在縣南二十里

靜山

通志云在縣南十五里

石家山

通志云在縣北進賢里接寧州界

盤谷

通志云在縣西之十里三峯曷時泉流縣中之勝

右山屬章終

水屬四

涇水出甘肅平涼縣筭頭山東流自涇州入長武縣西界又東
 馬蓮河合泥水自甘肅寧州來東南注之涇水又東逕縣北三
 里陶林溝水北注之涇水又東入邠州西界又東至停口鎮北
 芮水出甘肅華亭縣自長武縣來東北注之涇水又東安化河
 水北注之涇水又東白土州水北注之涇水又東洪龍河水北
 注之涇水又東逕州治北三里又東南河水北注之涇水又東
 羅川合大陵水自三水縣來西南注之涇水又東梁渠川自三
 水縣來西南注之涇水又東汧水自宜君縣來西南注之南則
 太谷河自永壽縣來東北注之涇水又東南入淳化縣西界七
 里川合五龍谷水自三水縣來南注之涇水又東南逕縣西南
 通酒溝水西南注之涇水又東南入西安府醴泉縣界又東逕
 涇陽至高陵縣東南入于渭

隋書地理志云雲陽有涇水

元和郡縣志云新平縣涇水西自宜祿界流入又云雲陽縣

涇水在縣西南二十五里

太平寰宇記云雲陽縣涇水注水經云涇水東流歷峽謂之

涇峽

長安志云雲陽縣涇水在縣西南二十五里水經注云云同

按樂史宋敏求所引
今本水經注無文

文獻通考云新平有涇水

金史地理志云新平有涇水

通志云邠州涇水在州北三里自長武縣流入又東南入淳化界淳化縣涇水在縣西南自邠州流入又東南過醴泉入涇陽界長武縣涇水在縣北二十里自涇州入境又東南入邠州界

馬蓮河水亦曰馬領河出甘肅慶陽府治北南流合泥水自寧州入長武縣北界東南入于涇

酈元注水經云洛水一名馬領川又云洛水又南逕栒邑入

涇見太平寰宇記

按今本水經注無交

元和郡縣志云方渠在馬領川內西北馬領山諸谷水東南流逕縣

太平寰宇記三水有馬領山馬領水出焉

通志云長武縣馬蓮河在縣西北自寧州來入涇

又云泥水在縣東北

自寧州來入涇井也泥水即馬蓮河

陶林溝水出長武縣北東北流入于涇

縣志云陶林溝在縣西北五里許宋陶穀故宅

通志云鴨兒溝水即陶林溝水東北入涇

丙水亦曰宜祿川出鳳翔府隴州西北七十里龍門洞逕涇州

東流入長武縣西南界又東逕縣治南十五里其水又東靈臺

河東北注之芮水又東達溪水東北注之俗名漆水也芮水又

東至邠州西界北入于涇

周書職方解云雍州其川涇納

周禮云雍州其川涇納

毛詩大雅云蒹葭之即

地理志云汧芮水出西北東入涇詩蒹葭隄雍州川也

水經注云泐水流入涇見初學記

今本水經注無文

元和郡縣志云良原縣泐水一名宜祿川西自隴州華亭縣流入又云宜祿縣廢帝以縣南臨宜祿川因改名

太平寰宇記云宜祿縣宜祿川一名泐水西自隴州鶉觚縣界流入注水經云泐水又東經宜祿城俗謂之宜祿川

今本水經

注無文

金史地理志云宜祿有泐水

州志云泐水出城西東入于涇又云黑水河在州西四十里

發源崇信縣

通志云黑水河即泐水一名宜祿川一名達溪川在州西四十里與長武接界其流入涇

長武縣志云黑水河在縣南十里至停口鎮入涇通志云黑

水經注云黑水河在縣南十里至停口鎮入涇通志云黑

三

水河即泐水俗呼前川後川在縣南十五里源出隴州西北

七十里龍門洞逕涇州至縣劉主邨入境東流七十里入涇

孫星衍曰西山經龍首之山若水

今本作茗水据初學記玉笈四引作茗

出焉東

南流注于涇水其山在高山女牀山之西高山即喬山在徵

寧女牀薛綜云在華陰西六百里案其道里龍首即隴山也

班固有右界褒斜龍首之支泐水出隴山是若水即泐水矣

若茗聲形皆相近字作茗又形之譌也

靈臺河出甘肅靈臺縣東北流入長武縣南界又東北入于泐

通志云長武縣靈臺河自靈臺縣來至縣馬成司入境繞縣

南至河川口合於黑水河

前川河俗曰漆水出甘肅靈臺縣東北流入長武縣東南界又

北入于泐

通志云長武縣漆水在縣東四十里流入黑水河

舊志云長武縣南十里有後川河又有前川河俱自靈臺縣

流入二水合而東流謂之黑水河經縣南停口鎮入涇水按

水甘肅通志云亦名赤城川亦名後川河也

安化河水出州西北流入于涇

州志云安化河在州西二十里通志云北入涇

白土川俗曰漆水出邠州西四十里北流入于涇

元和郡縣志云邠州漆水在今縣西九里西北流注于涇按

誤以白土川為漆其說不經

今鳳翔府麟游縣東西亦有一漆水與此異

也按此真漢志在漆縣西之漆水也

太平寰宇記云新平縣漆水按鄜元注水經云漆水自宜祿

界來又東過扶風漆縣北以水經驗之即邠州所理是也漢

志注云漆水在縣西今縣西九里有白土川水東北流白土

原東陳陽原西又東北流注于涇水或恐白土水是漢之漆

也但古今異名耳按此亦承李吉甫之說其實非也今鳳翔府東北一百六

十里麟游縣東南亦有一漆水南流與杜陽水合非漢之漆

水也故舉此以明之按麟游唐普潤漢漆縣則正漢之漆水也

文獻通考云新平有漆水

州志云水簾河在州西十里通志云即漆水一名白土川

長武縣志云漆水在縣東四十里入黑水河

孫星衍曰夏書言涇屬渭汭漆沮既從是以漆沮為從入渭

則是今麟游之漆至臨潼入渭一名石川河者是也麟游唐

普潤縣亦漢漆縣故班固云漆水在縣西水經云漆水出扶

風杜陽縣俞山東北入于渭說文云漆水出右扶風杜陽岐

山

山東入渭史記正義引括地云漆水源出岐州普潤縣東南岐漆山漆溪東入渭此實夏書漆沮既從與詩自土沮漆之漆自漢相傳以爲入渭未聞以入涇之水當之也李吉甫之言實爲無据樂史從之謬哉又按西山經踰次之山漆水出焉北流注于渭其山在竹山之西南山之東竹山在蓋屋南山在西安考其道里此踰次當在鄠縣之間又云漆水北入渭則非漢漆之漆也麟游之漆是南流入渭劉昭注郡國志妄引之亦非矣

洪龍河水俗曰過澗水出邠州南孫邨北入于涇

州志云洪龍河在州西卽過澗

通志云源出州南孫邨北入涇

南河俗曰皇澗出邠州南張家壑北入于涇

直隸邠州志卷第四

五

州志云南河在州城東卽皇澗

通志云按皇過二澗文翔鳳以三水支唐梁渠二川當之與

此名符

羅川水亦曰敕修川出三水縣北分水嶺西南流大陵水自甘肅徵寧縣來西南注之羅川水又西南至邠州東北界南入于

涇

元和郡縣志云三水縣以縣界有羅川谷三泉並流故以爲

號按此特後魏治有三水耳漢三水實不在此以爲漢所取名則謬也

太平寰宇記云眞寧縣羅川水自彭原縣界流入又云羅川

水出羅山

文獻通考云三水有羅川水

金史地理志云三水有羅川水

縣志云敕修川在縣東北爲後姚秦襄得名源出分水嶺
延川南合皇澗入涇水

通志云勅修川一名羅川在縣東北二十里

大陵水亦曰支唐川出甘肅徵寧縣西南流入三水縣北界又
西南入于羅川水

太平寰宇記真寧縣有大陵水云按注水經云大陵小陵水

出巡和南殊川西南逕寧陽城故幽詩云夾其皇澗陵水即

皇澗也

今水經注無文

州志云三水縣支唐川在縣北三十里

縣志云皇澗在縣北二十里當溥原之後澗大故稱皇俗譌

爲唐川

梁渠川出三水縣北二十里西南流至邠州入于涇

直隸邠州志卷第四

六

州志云三水縣梁渠川在縣北二十里

縣志云過澗亦名梁渠川在縣西北一十八里即文與可丹

澗集所稱三泉之炭泉澗起於溥原自北而西南過其境爲

過澗

汎水亦曰潘水曰麗川水俗曰師水亦曰三水河出邠州宜君

縣西南流入三水縣界又西南連家河灑茫之汎水又西南東

澗河南注之汎水又西逕縣治南稍泉北入焉汎水屈南西流

河水自城西南流注之次南溫涼河南流注之汎水又西南蒼

耳溝水西南入焉汎水又西南至邠州西界南入于涇

許君說文云汎西極之水也从水八聲爾雅西至于汎國謂

四極

太平寰宇記云三水縣有古邠城在麗川水西

按汎澗聲相近

金史地理志云新平有潘水

按汭潘聲亦相近

州志云三水縣三水河在縣南發源宜君縣競窩山西流四十里入于涇

縣志云汭川在縣城外亦名師水

西安府舊志云源出石門山流合玉泉白馬泉稍泉故三水以名縣

連家河水出三水縣東馬欄山西北流入于汭

州志云原出馬欄山

縣志云在縣東十里發源石門繞中嶺北流入汭水

東澗河水出三水縣東南流入于汭

縣志云在城東門外清流如綫環堞注于汭昔嘗導入城今廢

直隸邠州志卷第四

七

西溪河水出三水縣西北南流入于汭

縣志云在縣西門外左繞城根右環槐堡

溫涼河水出三水縣西寶峯谷南流入于汭

州志云在縣西三里冬溫夏涼故名

蒼耳溝水出三水縣南西南流注于汭

通志云在縣南十五里西南流入汭水

太谷河亦曰公主川出乾州永壽縣界東北流逕邠州東南又

東北入于涇

州志云公主川在州東南姜慶尚新平公主賜第于此

通志云太谷河在州東三十里源出州南永壽界分水嶺逕

新廟頭離州七十里東北流入涇河

七里川亦曰姜嫄河出三水縣東南西南流入淳化縣西北界

又南小峽溝水西南注之七里川又南五龍谷水西南注之七里川又西南至張邨西入于涇

州志云淳化縣姜嫄河在縣西北四十里流入于涇

縣志云七里川在縣東南其地舊為靈谷驛去佛面坡不遠

通志云七里川一名姜嫄河在縣南六十里又云在淳化縣

北三十五里自三水流入又云源出石門山自三水縣西南

流七里川又遷三里原為姜源河

小峽溝水出淳化縣西北西南流入于七里川

通志云在縣二十五里北南流合七里川入涇

五龍水出淳化縣西北甘泉山西南流入于七里川

隋書地理志云雲陽有五龍水

太平寰宇記雲陽有五龍谷泉云注水經五龍水出雲陽宮

西南按今水經注無文

長安志云同

通志云淳化縣五龍山在縣西南流合七里川入涇

通潤溝水出淳化縣北南流遷縣西又南入于涇

州志云在縣北二十里

治谷水亦曰淳化河曰縣河出淳化縣北甘泉山俗名蠟山南流

遷縣治東甘泉水東南流入之治谷水又南馬跑泉西南流注

之治谷水又南胡盧河東南流注之治谷水又南屈東米著溝

水南注之治谷水又東南為治谷口入西安府涇陽縣界又東

至三原縣入于清谷水

水經注云鄭渠東遷中山南又東遷捨車宮南絕治谷水

長安志云雲陽縣治谷河水自縣西北淳化縣界來經縣

峨武康青龍等鄉瀝民田

州志云淳化縣淳化河在縣東

縣志云淳化河在縣東門外其水自石門山來東流入涇陽

縣界又云冶谷水卽縣河流至三原謝家邨與清谷水合

通志云源出蝎子掌山一名臨口潭俗又呼龍潭水宋政和

中有人刻石于潭東山河中有石如蛇曰石蛇阜

甘泉出淳化縣北石鼓西原南流屈南逕縣治北又東南入于

冶谷水

隋書地理志云雲陽有甘水

長安志云雲陽縣有甘水經縣十道志曰甘泉水出石鼓西

原

州志云淳化縣甘泉在縣北四十里

天直隸邠州志卷第四

九

縣志云出石鼓西原其味甘美

走馬水亦曰馬跑泉出淳化縣東北鳳皇山西南流入于冶谷

水

隋書地理志云雲陽有走馬水

州志云淳化縣馬跑泉在縣北四十里雲陵城西

縣志云唐太宗獵此馬跑地出涌泉故名

星衍按隋志以爲卽走馬水也

胡盧河水疑卽蒲池水出淳化縣西東南流屈東逕縣南又東

入于冶谷水

地形志云雲陽有蒲池水按胡盧與蒲聲相近疑卽是

縣志云源出石河流入冶谷河

一泉亦曰米倉溝水出三水縣東北三十里南流入于治谷

通志云選聖人獨流入冶谷河

方里溝水出淳化縣北神兔嶺東南流入西安府三原縣界于清谷水

縣志云方里溝水出神兔嶺下流入三原

清水出三水縣東石門山東南流入西安府耀州界又南至涇陽縣北合于冶谷水

水經注云五丈渠水出雲陽縣石門山謂之清水東南流涇

黃嶽山西又東入殺羽縣按殺羽今耀州是

通志云在縣東六十里源出石門山東南流入耀州界清溪在邠州西南二十里

通志云與麟游接界

石龍澗在邠州西北十里

直隸邠州志卷第四

十一

明都穆記云山中斗峻人鮮能至聞有至者言澗乃一大坎

刻石為龍形然不知理自何時延祐碑謂禱雨以器取水迎

至城隍祠雷即隱隱起坐隅久之大雨

惠濟泉錦谷泉鳴玉泉一碗泉俱在邠州東

州志有通志云在州東三里

仰天池在邠州西南七十里

惠民泉在邠州西翠雲庵下

池河不溢池俱在邠州

州志云已上見方輿勝覽及本州舊志

狼乳溝在邠州南

州志云俗傳即平林寒冰之地

南庵水在邠州東門外

通志云有泉出南庵清冽可飲居民呼爲南庵水
要策池在邠州東北

冊府元龜云邠州有要策池宋太平興國中白龍見于池
通志云按徵寧縣東六十里有要冊湫疑卽此則池當在邠
東北接徵寧界

萬壽湫在三水縣東北二十里

唐書地理志三水云有萬壽湫大歷八年因風雷而成

州志云在故城北三十里

縣志云在維唐兩川之交

金泉在三水縣北二十里

唐鄭谷詩云地涌金泉過石門

州志云在縣北二十里半川邨其水色黃

白馬泉在三水縣東一里舊入汎今涸

州志云在縣東大像寺下

縣志云其水紺碧每陰雨則伏而不流旱則涌溢莫測其異

稍泉在三水縣南一里入汎

州志云在縣東三里四時常從高山涌出產鱉

玉泉在三水縣東二里

州志云在縣東二里玉泉觀五味甘美或洗穢衣卽潤

縣志云康熙甲寅夏知縣林逢泰禱雨立應

松林泉在三水縣東五十里

州志云在秦輝鎮松林坡下水出如珠

金泉在淳化縣東南三十里

雲陽宮記云入治谷二十里有一槐樹樹北有泉名曰金泉

見太平寰宇記又云泉出數穴清徹無底雍州記曰有人飲此泉水見有金色從山中照水往取得金故名金泉見長安志

縣志云又名觀音泉其水香甘目眩者洗之明

鄭泉在淳化縣界

長安志云雲陽縣鄭泉在縣西四十里雲陽宮記曰漢鄭

字子真隱於谷口高節不屈耕於巖石之下名震京師時人

因子真所居名為鄭泉

流金泊在淳化縣

長安志云雲陽縣流金泊在縣東北二十里

白龍泉在淳化縣東北三十里

州志有

直隸鄜州志卷第四

小師泉在淳化縣東南

州志有

小河在淳化縣西四十里

縣志云城前頭邨有小河流至奉內寺水即伏地不流

化邨俗云水過善化非兵即荒

小硤溝在淳化縣北四十里

州志有

芹川水逕長武縣北今無考

水經注云宜祿北有芹川見初學記今水經注無文

太平寰宇記宜祿縣有芹川云注水經云出羅縣子平

名子午嶺今本作千子嶺東流逕宜祿縣北過即此水也

按此水當在今寧州界

龍女泉在長武縣東北三十里

縣志云卽柳毅傳書處

馬跑泉在長武縣西南二十里

縣志云昔有楊家少婦取汲歸家遇竈人于此乞水飲馬不吝飲畢馬跑地出泉至今居人賴之

秀水在長武縣南十里

縣志云

通濟泉在長武縣北

通志云自城下出大旱不竭

雙泉在長武縣北

通志云二泉湧出交流百步

三泉在長武縣西北二十五里

通志云

直隸邠州志卷第四

十三

鄭白渠

河渠書云水工鄭國鑿涇水自中山西邠郿口爲渠正義云

招地志曰渠首起雲陽縣西南二十五里今枯也

溝洫志云大始二年趙中大夾白公復奏穿渠引涇水起谷

口顏師古曰谷口卽今雲陽縣治谷是

新唐書地理志云雲陽有古鄭白渠

長安志云雲陽縣鄭國渠大白渠自西南四十里涇陽縣界

取涇河水洪門六門三門來經灤入三原縣界溉民田

六輔渠

溝洫志云元陽六年兒寬奏請穿鑿六輔渠

元和郡縣志云雲陽縣涇水在縣西南二十五里初兒寬穿

六輔渠今此縣與三原六道小渠猶有存者
長安志雲陽縣有六輔渠

治谷諸渠

長安圖說諸渠云至元十一年九月初三日准奉大司農司
劄付呈准中書省劄付先後講究定條畫使水法度內一款
節文自古以來清治濁谷石川金定薄臺等水并耀州三原
富平邠州管下淳化縣行流河水俱係灌溉田禾於民久利
之事並令河渠司官管屬聽授節制每渠設渠直渠長一名
依涇水例請給申破水直
又云雲陽北境高印涇水不及今引治谷水西北淳化界來
分爲七渠以溉近山之地

已上古渠起淳化縣界

直隸邠州志卷第四

古

鳴玉渠

通志云在州東三十里引小郎池水灌田二十畝

大佛鎮渠

通志云在州西二十里引白廂溝水灌田五畝

水北鎮渠

通志云在州東十里引水北溝水灌田三十畝

大谷鎮渠

通志云在州南三十里引辛廟頭水灌田六畝

東川邨泉

通志云在州東六十里灌田四畝

景邨泉

通志云在州南十里灌田四畝

水簾鎮渠

通志云在州西十里引麟遊山水今淤

拜家河渠

通志云在州南四十里引辛廟頭水今淤

穆家堰渠

通志云在州北十里今淤

兩冢溝泉

通志云在州東十里今廢

大廣郝泉

通志云在州西九十里今廢

街子邨泉

通志云在州西四十里今廢

洪龍河大谷河南河渠

陝西隴邠州志卷第四

古蹟

通志云可資灌溉今廢

已上渠在邠州

趙家渠連家渠崔家渠楊家詔渠

通志云趙家渠在縣東二十五里引汭水灌田二十畝汭水

西流爲連家渠灌田二十畝又西爲崔家渠灌田二十二畝

又西爲楊家渠灌田十畝

李家渠

通志云在縣西一里引野難紅水灌田三十畝

石泉渠

通志云在縣北今涸

西溪河渠

通志云在縣西門外左繞城池右環槐堡有灌溉之利今淤
已上渠在三水

封贈原環

通志云在縣南三里明戶部主事王尚友就原下立堰蓄水
灌田今涸

三水河淳化河渠

通志云在縣北今淤

姜塬河渠

賈志云在縣北可資灌田今淤

已上渠在淳化

右水屬章終

